

Kommunalbestyrelsimut qinersineq, Nunaqarfinni aqutsinut qinersineq kiisalu Ilagiit sinniisaannut qinersineq

4. aprili 2017-imi nal. 9:00 – 21:00

Qinersisinnaatitaasut

Qinersisinnaatitaaneq isumagisinnaajumallugu qinersisinnaasut allattorsimaffiannut ilanngunneqarsimasariaqarpoq. Qinersisinnaasut allattorsimaffiannut ilanngunneqassagaanni piumasaqaataapput:

- 1) kingusinnerpaamik ullormi qinersiviusumi 18-inik ukioqalereersimanissaq aamma nammineersinnaajunnaarsitaasimanginnissaq
- 2) qinersinissaq sioqqullugu kingusinnerpaamik sapaatit akunnerini 6-ini kommunimi pineqartumi aalajangersimasumik najugaqarsimanissaq, tassa imaappoq ullormi 21. februar 2017
- 3) aamma
 - a) danskisut innuttaassuseqarnissaq aammalu Kalaallit Nunaanni aalajangersimasumik najugaqarsimanissaq sivikinnerpaamik qinersinerup ingerlanneqannginnerani qaammatini arfinilinni tassa imaappoq ullormi 4. oktober 2016,

imaluunniit

- b) sivikinnerpaamik ukiuni pingasuni naalagaaffimmi najugaqarsimasoq qinersinissarlugu sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq, tassa imaappoq ullormi 4. oktober 2016-imi.
- 4) Kiisalu inuit uku, Kalaallit Nunaata avataani najugaqarallartut, inunnullu taakkununga katissimallugit inooqataallutik aappaasut imaluunniit inooqatigiittut nalunaarsorneqarsimasut kommunalbestyrelsimut taasisinnaatitaapput, aalajangersimasumik najugaqarsimanissaq pillugu piumasaqaat ilanngunnagu, qulaani piumasaqaatinik naammassinnippata:
 - 1) Inuit ilinniagaqarnissaq siunertaralugu Kalaallit Nunaata avataani najugaqartut.
 - 2) Inuit peqqinnissamut tunngasunik pissuteqarlutik Kalaallit Nunaata avataaniittut.
 - 3) Inuit Kalaallit Nunaanni qinigaallutik folketingimut qinigaallutik sulinerminnut atatillugu qinigaallutik sulinerminnut atatillugu Danmarkimi najugaqartut.
 - 4) Inuit Namminersorlutik Oqartussanut sinniisuullutik Kalaallit Nunaata avataaniittut.
 - 5) Inuit Kalaallit Nunaata avataani najugaqartut aamma 1-miit 4-mut inunnullu taaneqartunut sanillunneqarsinnaallutik Kalaallit Nunaannut attuumassuteqartut.

Inuit taaneqartut nuunnissartik sioqqullugu Kalaallit Nunaanni inuit allattorsimaffianni nalunaarsorneqareersimagunik aamma piffissami sivikinnerpaamik ukiuni marlunni ataannartumik Kalaallit Nunaanni inuit nalunaarsorneqarfiani nalunaarsorneqarsimagunik taamaallaat qinersisinnaatitaapput.

Qinersisussat allassimaffii kommunalbestyrelsimut qinersinermi

Ulloq qinersivissaq aalajangerneqareerpat qinersinermi siulersuisut inuit kingusinnerpaamik ullormi qinersivissami qinersisinnaatitaasutut piumasaqaatinik eqquutsitsisut kiisalu qinersivimmi pineqartumi inuit aqqisa nalunaarsorsimaffiannut nalunaarsimasut qinersinermut allattorsimaffiat suliarissavaat.

- Qinersisussat allattorsimaffianni ilaatinneqassapput inuit ulloq qinersivissaq kingusinnerpaamik sapaatit akunnerinik arfinilinnik sioqqullugu **qinersivimmut** nuussimasut kingusinnerpaamillu ulloq taanna - marlunngorneq 21. februar 2017 - nuunnerminnik kommunimi inuit aqqisa nalunaarsorsimaffiannut nalunaarutiginnissimasut.
- Qinersisartut ulloq qinersivissaq kingusinnerpaamik sapaatit akunnerinik arfinilinnik sioqqullugu qinersiviup iluani nuussimasut kingusinnerpaamillu ulloq taanna - marlunngorneq 21. februar 2017 - nuunnerminnik kommunimi inuit aqqisa nalunaarsorsimaffiannut nalunaarutiginnissimasut najugarilikkaminni nutaami allassimallutik qinersisussat allattorsimaffiannut ilanngunneqassapput.
- Qinersisartut qinersinissaq sioqqullugu kingusinnerpaamik sapaatit akunneri arfinillit - 21. februar 2017- kingorna qinersiviup iluani nuussimasut imaluunniit ullormit tassannga kingusinnerusumik nuunnerminnik nalunaaruteqarsimasut najugarisimasaminni qinersisussat allassimaffianni nalunaarsorneqarsimaannassapput.
- Qinersisartut qinersinissaq sioqqullugu sapaatit akunneri arfinillit - 21. februar 2017- kingorna qinersiviup avataani aalajangersimasumik najugaqalersut qinersinermik siulersuisunit qinersisussat allassimaffiannit peerneqassapput.
- Qinersisartut, Kalaallit Nunaata avataaniikkallartut, taakkualu inooqatitut aapparisaat, qinersisarnermut inatsimmi § 2-mi ilaasut, kingullermik inuit aqqisa nalunaarsorsimaffiini allassimaffiminni qinersisartut allattorsimaffiinnut ilanngunneqassapput imaluunniit qinersisartut allattorsimaffiannut ilaatinneqaannassapput. Qinersisinnaasut allattorsimaffiannut ilanngunneqarnissamik qinnuteqaat Qinersinermik siulersuisunut tunniunneqassaaq. Qinersinermik siulersuisut aalajangiinerat piffissaliussami sapaatit akunneri marluk qaangiutsinnagit Qinersinermut Ataatsimiititaliamut suliaannagortinneqarsinnaavoq. Qinersineq pillugu inatsimmi § 23 malillugu qinersisussat allattorsimaffiannut ilanngunneqarneq pillugu aalajangiineq ullormit aalajangiiffiusumiit ukiuni marlunni atuuttussaavoq. Qinersisartoq, § 23 malillugu qinersisussat allattorsimaffiannut ilanngunneqarsimasoq, § 23 , imm. 2-mi piffissaliussap taaneqartup iluani qinersisussat allattorsimaffiannut ilannguteqqinneqarnissaq pillugu qinnuteqarpat piffissaliussaq aalajangiisoqarnissaata tungaanut sivitsorneqassaaq.

Qinersisussat allattorsimaffiat qinersivimmut tamarmut suliarineqassaaq taasiartorfissanut tamanut immikkut immikkoortortalersorlugu.

Qinersisussat allassimaffii Nunaqarfinni aqutsinut qinersinermi

Ulloq qinersivissaq aalajangerneqareerpat qinersinermik siulersuisut inuit kingusinnerpaamik ullormi qinersivissami qinersisinnaatitaasutut piunasaqaatinik eqquutsitsisut kiisalu qinersivimmi pineqartumi inuit aqqisa nalunaarsorsimaffiannut nalunaarsimasut qinersinermut allattorsimaffiat suliarissavaat.

- Qinersisussat allattorsimaffianni ilaatinneqassapput inuit ulloq qinersivissaq kingusinnerpaamik ullunik 14-inik sioqqullugu qinersivimmut nuussimasut kingusinnerpaamillu ulloq taanna - marlunngorneq 21. marts 2017-imi - nuunnerminnik kommunimi inuit aqqisa nalunaarsorsimaffiannut nalunaarutiginnissimasut.
- Qinersisartut ullup qinersivissap siornatigut ullut 14-init kingusinnerusukkut qinersiviup avataani aalajangersimasumik najugaqalersimasut qinersinermik siulersuisunit qinersisussat allattorsimaffiannit peerneqassapput.
- Qinersisartut, Kalaallit Nunaata avataaniikkallartut, taakkualu inooqatitut aapparisaat, qinersisarnermut inatsimmi § 2-mi ilaasut, kingullermik inuit aqqisa nalunaarsorsimaffiini allassimaffiminni qinersisartut allattorsimaffiinnut ilanngunneqassapput imaluunniit qinersisartut allattorsimaffiannut ilaatinneqaannassapput. Qinersisartut allattorsimaffiannut ilanngunneqarnissamik qinnuteqaat Qinersinermik siulersuisunut tunniunneqassaaq. Qinersinermik siulersuisut aalajangiinerat sapaatit akunneri marluk killiliunneqartut qaangiutsinnagit Qinersinermut Ataatsimiititaliamut suliareqqitassanngortinneqarsinnaavoq. Qinersisarnermut inatsimmi § 23, imm. 1 malillugu qinersisussat allassimaffianni ilanngunneqarnermik aalajangiiffiqineqarneq ullormit aalajangiinerup ulluanit atuutilersumik ukiuni marlunni atuutissaaq. Qinersisartuq § 23, imm. 1 malillugu qinersisussat allattorsimaffiannut ilanngunniarpat § 23, imm. 2-mi piffissami taaneqartup naannginnerani qinersisartut allattorsimaffiannut nutarterlugu ilanngunnissamik qinnuteqarpat aalajangiisoqarnissaata tungaanut piffissaliussaq sivitsorneqassaaq.

Qinersisussat allattorsimaffiat suliarineqarnermi kinguninngua nunaqarfimmi tamanit takuneqarsinnaasumi ulluinnarni marlunni saqqumitinneqassaaq. Qinersisussat allattorsimaffiat ulluni 23. – 24. marts 2017 saqqumitinneqassapput.

Qinersisussat allassimaffii Ilagiit sinniisaannut

Qinersisussat allassimaffiinnut ilanngunneqassagaanni piunasaqaataavoq kommunalbestyrelsimut qinersisinnaatitaanissaq aamma Kalaallit Nunaanni Ilagiinnut ilaasortaanissaq (Ilagiit Kalaallit Nunaanni). Qinersisussat allassimaffii tamanut saqqummiunneqarneq ajorput. Qinersisartorli qinersisussat allassimaffiinnut ilanngunneqarsimanerluni kommunip allaffiani innuttaasunik sullissivimmi takugumasinnaavaa.

Allakkatigut taasineq

Ulloq qinersiviusumi qinersisartoq illoqarfimmi nunaqarfimmiluunniit inuit allattorsimaffiat malillugu najugarisaminiittussaangikkuni, allakkatigut taasereernissaminut periarfissaqarpoq. Kinaluunniit qinersinermi inatsit naapertorlugu qinersisinnaasoq taasisutinik allakkatigut nassitsinikkut aallakkatigut taasisinnaavoq (allakkatigut taasineq).

- 1) Qinersisartut taasisinnaapput inuit aqqinik nalunaarsuiffimmi, taamatuttaaq qinersivimmi qinersisussat allassimaffiannut allanneqarfigisimasaminni inuit aqqinik nalunaarsuiffimmi. Inuit nalunaarsorsimaffiattut paasineqassaartaaq Kalaallit Nunaanni nunaqarfinni najugaqarfinnilu inuit nalunaarsorsimaffiata ikiortigisaa.
- 2) Napparsimavinni imaluunniit peqqissartarfinni paarineqartarfinniluunniit allani uninngasut aammalu pinerluttulerinermik isumaginnittoqarfiup inissiisarfiini inissinneqarsimasut allakkatigut taasinerinik kommunimi qinersisinnaatitaasumik tigooraasussamik kommunimi qinersinermi siulersuisut toqqaassapput. Inuk taanna inissisimaffiup pisortaa, taannalu pisinnaangippat taassuma tullersortaa, peqatigalugu allakkatigut taasinerinik tigooraassaaq.
- 3) Qinersisartut napparsimaneq imaluunniit innarluuteqarneq pissutigalugu taasivimmukarsinnaangitsut angerlarsimaffimminni allakkatigut taasisinnaapput.
- 4) Qinersisartut inoqarfinni avinngarusimasuni immikkut taasiartorfiunngitsuni najugaqartut inummut qinersisinnaasumut kommunimi qinersinermik siulersuisunit attavigisaminnit toqqaarneqarsimasumut taasisinnaapput.
- 5) Qinersisartut timmisartut mittarfiini, silasiorfinni il.il. kommunit aggornerisa avataanniittuni najugaqartut inummut Naalakkersuisunit piginnaatitaasumut taasisinnaapput. Kommunit agguarnerisa avataanniittunit qinersisartunit allakkatigut taasinerinik tigusinissamut Naalakkersuisut inunnik piginnaatitsisuupput

Kalaallit Nunaata avataani allakkatigut taasineq pisinnaavoq taasiartorfinni ataani taaneqartuni:

- 1) Qinersisartut Danmarkimiittut imaluunniit Savalimmiuniittut oqartussat pineqartut toqqarsimasaanni imaluunniit Kalaallit Nunaata Sinniisoqarfiani Københavnimiittumi allakkatigut taasisinnaapput. Inuit utaqqiisaasumik Kalaallit Nunaata avataani najugaqartut inuillu taakkununga inooqataallutik aappaasut maannakkut kommunalbestyrelsimut, ataatsimoortumik nunaqarfinni aqutsisunut aamma ilagiit sinniisaannut qinersinerni taasisinnaatitaalerput. Taamaalilluni ilinniagaqartut, napparsimasut il. il. Kalaallit Nunaata avataani najugaqarallartut kommunimut allakkatigut taasinerinik qinereqataanissamut periarfissaqalerput.
- 2) Qinersisartut naalagaaffiup avataani najugaqartut qallunaat aallartitaqarfiini imaluunniit konsuleqarfiini taasisinnaapput.

Qinersisartut umiarsuarniittut Kalaallit Nunaanni angerlarsimaffeqartuniittut umiarsuup naalagaanit taassumaluunniit toqqagaanit taasisinneqarsinnaapput. Qinersisartunit umiarsuarniittunit allakkatigut taasinernik tigusinissamut Naalackersuisut inunnik piginnaatitsisuupput.

Allakkatigut taasinernik tigooraasoq kinaluunniit qinersinissami nammineq qinigassanngortissimassanngilaq.